

**Қазақстан Республикасы Президентінің 2002 жылғы 7 мамырдағы N 865  
Жарлығына толықтырулар енгізу туралы**

*Күшін жойған*

Қазақстан Республикасы Президентінің 2004 жылғы 16 маусымдағы N 1393 Жарлығы. Күші жойылды - Қазақстан Республикасы Президентінің 2011 жылғы 30 қыркүйектегі N 155 Жарлығымен

**Ескерту. Күші жойылды - ҚР Президентінің 2011.09.30 N 155 Жарлығымен.**

1. Қазақстан Республикасы Президентінің "Қазақстан Республикасы Қарулы Күштерінің медальдары туралы" 2002 жылғы 7 мамырдағы N 865 Жарлығына (Қазақстан Республикасының ПУАЖ-ы, 2002 ж., N 14, 136-құжат) мынадай толықтырулар енгізілсін:

1) 1-тармақ мынадай мазмұндағы 4) және 5) тармақшалармен толықтырылсын:

"4) "Бітімгершілік операцияларына қатысқаны үшін";

5) "Халықаралық әскери достастықты дамытқаны үшін".;

2) 2-тармақ "3" деген цифрдан кейін ", 3-1, 3-2." деген цифрлармен толықтырылсын;

3) 3-тармақ "6" деген цифрдан кейін ", 6-1, 6-2." деген цифрлармен толықтырылсын;

4) осы Жарлыққа 1, 2, 3, 4-қосымшаларға сәйкес редакцияда 3-1, 3-2, 6-1, 6-2 қосымшалармен толықтырылсын.

2. Осы Жарлық қол қойылған күнінен бастап күшіне енеді.

*Қазақстан Республикасының*

*Президенті*

Қазақстан Республикасы  
Президентінің  
2004 жылғы 16 маусымдағы  
N 1393 Жарлығына

1-қосымша

Қазақстан Республикасы  
Президентінің  
2002 жылғы 7 мамырдағы  
N 865 Жарлығына

3-1-қосымша

## **"Бітімгершілік операцияларына қатысқаны үшін" медалінің сипаттамасы**

"Бітімгершілік операцияларына қатысқаны үшін" медалі жезден жасалады және диаметрі 34 мм шеңбер нысанында болады.

Медальдің беткі жағында жоғарғы жақта ортада жер шарының бейнесі, төменде - жер шары бейнесінің астында қалықтаған "бейбітшілік көгершіні" орналасқан. Жиектің жоғарғы ішкі жағын бойлай "Бітімгершілік операцияларына қатысқаны үшін" деген жазу орналасқан.

Медальдің сыртқы жағының ортасында "Қазақстан Республикасының Қарулы Күштері" деген жазу, төменгі жағында - тегіс екі қырлы сәуле шашқан бес бұрышты жұлдыз, күн және қалықтаған қыран орналасқан.

Медальдағы барлық бейнелер, жазулар бедерлі, алтын түстес. Медальдің шеттері ернеумен жиектелген.

Медаль құлақшаның және шығыршықтың көмегімен сол жақ жартысы жасыл түсті, оң жағы - Қазақстан Республикасының Мемлекеттік туы түстес жібек қатқыл лентамен қапталған ені 34 мм және биіктігі 50 мм бес бұрыш нысанындағы тағанға жалғанады.

Медаль түйреуіштің көмегімен киімге тағылады.

Қ а з а қ с т а н                      Р е с п у б л и к а с ы  
П р е з и д е н т і н і ң  
2 0 0 4                      ж ы л ғ ы                      1 6                      м а у с ы м д а ғ ы  
N                      1 3 9 3                      Ж а р л ы ғ ы н а  
2-қосымша

Қ а з а қ с т а н                      Р е с п у б л и к а с ы  
П р е з и д е н т і н і ң  
2 0 0 2                      ж ы л ғ ы                      7                      м а м ы р д а ғ ы  
N                      8 6 5                      Ж а р л ы ғ ы н а  
3-2-қосымша

## **"Халықаралық әскери достастықты дамытқаны үшін" медалінің сипаттамасы**

"Халықаралық әскери достастықты дамытқаны үшін" медалі жезден жасалады және диаметрі 34 мм шеңбер нысанында болады.

Медальдің беткі жағының ортасында қылышпен, садақпен, жебелі қорамсақпен және аттың жалынан жасалған шашақпен безендірілген ұзын найзамен айқастырылған қалқанның бейнесі, төменгі жағында - қол алысуды білдіретін нышан орналасқан. Жиектің жоғарғы ішкі жағын бойлай "

Халықаралық әскери достастықты дамытқаны үшін" деген жазу орналасқан.

Медальдің сыртқы жағының ортасында "Қазақстан Республикасының Қарулы Күштері" деген жазу, төменгі жағында - тегіс екі қырлы сәуле шашқан бес бұрышты жұлдыз, күн және қалықтаған қыран орналасқан.

Медальдағы барлық бейнелер, жазулар бедерлі, алтын түстес. Медальдің шеттері ернеумен жиектелген.

Медаль құлақшаның және шығыршықтың көмегімен Қазақстан Республикасының Мемлекеттік туы түстес жібек қатқыл лентамен қапталған ені 34 мм және биіктігі 50 мм бес бұрыш нысанындағы тағанға жалғанады. Оған солдан оңға қарай ені 4 мм-ден ақ, сары және жасыл түсті үш жолақ жүргізілген. Жолақтардың ара қашықтығы - 2 мм.

Медаль түйреуіштің көмегімен киімге тағылады.

Қ а з а қ с т а н                      Р е с п у б л и к а с ы  
П р е з и д е н т і н і ң  
2 0 0 4                      ж ы л ғ ы                      1 6                      м а у с ы м д а ғ ы  
N                      1 3 9 3                      Ж а р л ы ғ ы н а  
3-қосымша

Қ а з а қ с т а н                      Р е с п у б л и к а с ы  
П р е з и д е н т і н і ң  
2 0 0 2                      ж ы л ғ ы                      7                      м а м ы р д а ғ ы  
N                      8 6 5                      Ж а р л ы ғ ы н а  
6-1-қосымша

## **"Бітімгершілік операцияларына қатысқаны үшін" медалімен наградтау Ережесі**

1. "Бітімгершілік операцияларына қатысқаны үшін" медалі Қазақстан Республикасы Президентінің Жарлығымен тағайындалады.

2. "Бітімгершілік операцияларына қатысқаны үшін" медалімен Қазақстан Республикасының шегінен тысқары жерлерде жүргізілетін бітімгершілік операцияларына қатысқан Қазақстан Республикасы Қарулы Күштерінің, ұлттық қауіпсіздік органдарының, басқа да әскерлері мен әскери құралымдарының әскери қызметшілері, сондай-ақ басқа да адамдар және басқа мемлекеттердің а з а м а т т а р ы                      н а г р а д т а л а д ы .

3. "Бітімгершілік операцияларына қатысқаны үшін" медалімен наградтау туралы өтініштерді ұсыну және қарау тәртібін Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары айқындайды.

4. Қазақстан Республикасы Президентінің атынан "Бітімгершілік операцияларына қатысқаны үшін" медалін тапсыруды Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары, әскери бөлімдердің командирлері, соның ішінде командирлер мен бастықтар (әскери басқару органдарының, мекемелердің, әскери оқу орындарының), жергілікті әскери басқару органдарының бастықтары жүргізеді.

5. Әрбір наградталған адамға медальді тапсырумен бір мезгілде тиісті куәлік беріледі.

6. "Бітімгершілік операцияларына қатысқаны үшін" медалі кеуденің сол жақ өңіріне "Мінсіз қызметі үшін" медалінен кейін тағылады, аталған медальға лента жалпы планкада "Мінсіз қызметі үшін" медалінің лентасынан кейін орналасады.

Қ а з а қ с т а н Р е с п у б л и к а с ы

П р е з и д е н т і н і ң

2 0 0 4 ж ы л ғ ы 1 6 м а у с ы м д а ғ ы

№ 1 3 9 3 Ж а р л ы ғ ы н а

4-қосымша

Қ а з а қ с т а н Р е с п у б л и к а с ы

П р е з и д е н т і н і ң

2 0 0 2 ж ы л ғ ы 7 м а м ы р д а ғ ы

№ 8 6 5 Ж а р л ы ғ ы н а

6-2-қосымша

**"Халықаралық әскери достастықты дамытқаны үшін"**  
**медалімен наградтау**  
**Ережесі**

1. "Халықаралық әскери достастықты дамытқаны үшін" медалі Қазақстан Республикасы Президентінің Жарлығымен тағайындалады.

2. "Халықаралық әскери достастықты дамытқаны үшін" медалімен халықаралық әскери ынтымақтастықты дамытуға және жауынгерлік достастықты нығайтуға сіңірген еңбегі үшін Қазақстан Республикасы Қарулы Күштерінің, ұлттық қауіпсіздік органдарының, басқа да әскерлері мен әскери құралымдарының әскери қызметшілері, сондай-ақ басқа да адамдар және басқа мемлекеттердің азаматтары наградталады.

3. "Халықаралық әскери достастықты дамытқаны үшін" медалімен наградтау туралы өтініштерді ұсыну және қарау тәртібін Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары айқындайды. Медальмен қайтадан

наградтау

жүргізілмейді.

4. Қазақстан Республикасы Президентінің атынан "Халықаралық әскери достастықты дамытқаны үшін" медалін тапсыруды Қазақстан Республикасы Қарулы Күштерінің, Ұлттық қауіпсіздік комитетінің, басқа да әскерлері мен әскери құралымдарының бірінші басшылары, әскери бөлімдердің командирлері, соның ішінде командирлер мен бастықтар (әскери басқару органдарының, мекемелердің, әскери оқу орындарының), жергілікті әскери басқару органдарының бастықтары жүргізеді.

5. Әрбір наградталған адамға медальді тапсырумен бір мезгілде тиісті куәлік беріледі.

6. "Халықаралық әскери достастықты дамытқаны үшін" медалі кеуденің сол жақ өңіріне "Бітімгершілік операцияларына қатысқаны үшін" медалінен кейін тағылады, аталған медальға лента жалпы планкада "Бітімгершілік операцияларына қатысқаны үшін" медалінің лентасынан кейін орналасады.